



Aleqa Hammond, Siumut
/Maani

Pineqartoq: Tuapannguani qaammatini arfinilinni attartorerup nalinganik qularnaveeqquteqarnissamut piumasaqaat

15. december 2009
Sagsnr. 2009-023256
Dok. Nr. 275255

A/S Inissiaatileqatigiiffik INI-p (INI-p) 2009-mi ukiup affaanut nalunaarusiaanut naleqqiullugu Tuapannguani attartortunut qaammatini arfinilinni attartorerup nalinganik qularnaveeqqusiissuteqarnissamut piumasaqaat, pillugu apeqquteqaatit tiguara.

Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: aan@gh.gl
www.nanoq.gl

Apeqquteqaammut atatillugu imaattumik erseqqissaateqassaanga.

INI-p 2009-mi ukiup affaanut nalunaarusiaani allassimagaluartoq, siornatigumut naleqqiullugu aatsaat ukiorpassuit ingerlanerini akiitsut akilinngitsuukkat taama ikitsigilersut, tamanna inissianit nuunnermut atatillugu akiitsut akilinngitsuukkat annertuumik ajornartorsiutaanerinit allanngortitsinngilaq. Aningaasartuutit taakku sulii amerliartorput, ajornartorsiullu taanna piginneqatigiilluni inissiaatillit peqatigiiffiisa nammassinnaanngilaat akissaqartinnaguluunniit.

Akiitsut akilinngitsuukkat siornatigumut naleqqiullutik ikilisasut INI-p ukiup affaanut nalunaarusiaani takuneqarsinnaagaluartoq, tamanna inissianit nuunnermut atatillugu akiitsut akilinngitsuukkat apparnerinik isumaqanngilaq. Inissianit nuunnermut atatillugu akiitsunik akilinngitsuugaqartoqartartoq, akiitsullu akilinngitsuukkat taakku amerliartortinneqaratik ikiliartortinneqartariaqartut erseqqissassallugu pingaaruteqarpoq.

Inissiamit nuunnermut atatillugu qaammatini pingasuni attartorerup nalinganut qularnaveeqqutit aningaasartuutinit matusissutigissallugit naammaneq ajorput, taamaattumillu Tuapannguani attartortunut qaammatini arfinilinni attartorerup nalinganut qularnaveeqqusiinissaq pisariaqarpoq, tamanna pinngippat piginneqatigiilluni inissiaatillit peqatigiiffiata tamakkiisumik atuunnermi saniatigut inissianit nuunnermut atatillugu akiitsut akilinngitsuukkat naammassisnaanngimmagit.

Inussiarnersumik inuulluaqqusilluta

Jens B. Frederiksen